

42

28

DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ,

Orthodoxorum Medicorum Patrono.

QUÆSTIO CHIRURGICO-MEDICA *,
*QUOD LIBETARIIS DISPUTATIONIBUS
manè discutienda, in Scholis Medicorum, die Jovis undecimâ mensis
Martii, anno Domini M. DCC. LXXIX.*

M^o. JOANNE-BAPTISTA-JOSEPHO THÉRY,
Doctore Medico, Præfide.

AN SUENDI TENDINES?

I.

MORBOS desidie & luxuriæ sobolem non ineptè dixeris: ast eheu! exercitatio & temperantia plurimos quidem arcens, non vindicant ab omnibus: corpus etenim humanum iis non solum laborat affectibus, quos perversus rerum nonnaturalium usus invehit, sed & externarum injuriâ laceffitur, quandoque ineluctabili. Hinc *θεραπευτική*, practica Medicinæ pars, non unâ, sed multiplici instruitur armaturâ, variisque telis diversos hostes confodere aggreditur. Interioribus potissimum morbis Dietam legitimâ victûs ratione curantem adhibet; externis sæpius Chirurgiam, nunc nudâ, nunc ferro igneve armatâ manûs artificiosâ actione pugnantem, opponit; utriusque ut plurimum Pharmaciam invigilantem medicamentorum compositioni & administrationi. Non ideo tamen credideris has Medicinæ partes ita à se invicem esse separatas, ut singulæ, cæteris otiosis, optatos effectus præstare valeant. Omnium individua connexio, necessaria conspiratio, nec nisi in omnibus exercitatum Medici titulo insignire licet. Quî, quæso, vulneri, ulceri, externeve cuicumque affectui medebitur, cui ritè perspectum non erit an medicamentis instituenda curatio, an ad ferrum ignemve deveniendum, quomodò demum & quo tempore singula, quorum opus erit, admovenda? Nec Chirurgis hæc committenda extra Medici aleam esse iniquus gariat detractor. Meditî id omne juris est, quo & imminentes avertuntur morbi, & præsentis profligantur. Abligandi ergò, inutiles Chirurgi? Minimè gentium. Profit consilio Medicus, auxiliatricem dexteram porrigat Chirurgus; huic operanti consultus ille semper adsit. Hac concordia ærrorum optimè consuletur salutî. Sic à partibus exquisitissimo sensu donatis inutile ferrum arcebitur. Sic exulabunt opera ob *Symptomatum* ferociam formidanda, vix ac ne vix quidem nonnunquam perficienda, incautum semper tentanda.

II.

OPUS omne Chirurgicum vel ad *συνθεσιν*, vel *διαίρεσιν*, vel *ἐκτομην* pertinet. Prima contra naturam divisa conjungit; altera dividit continua; tertia quicquid extraneum, vel intus collectum est, vel extus immissum, extrahit. Triplicis hujusce operis præstantissimum, naturæ consentaneum maximè, & cæterorum quasi coronis, *συνθεσις* varia pro diverso munere sortitur nomina: nunc enim ossa fracta componit, & *συνθετισμός*, nunc eadem nativis emota sedibus reponit, & *ἀρρυσμός* Græcis dicitur. Aliàs contra naturam, absque ullâ divisione, prolapsas molles partes restituit, *ταξίς* tunc nominata;

* Propug. ann. 1742.

A

easdem demum cum continui solutione lasas committere aggreditur; tuncque commune nomen retinet. Ut autem partium fasciarum textura, situ, officio discrepantium, à variis diverforum corporum insultibus, unitas solvitur; sic hujus restituentæ non unica, nec eadem semper est ratio. Levioribus cutis & subjectæ adipis vulneribus, teriante arte, natura sola cicatricem plerumque inducit; ubi verò in ipsas carnes, vel alius penetravit vulnus, naturæ medicatricis quandoque inanis est opera, nisi ab auxiliariâ arte impedimenta removeantur. Hæc inter plurima Chirurgi manum frequentius expostulant, 1.º cruoris profluvium, vel largâ ejusdem ex diversâ parte missione, vel impolitis astringentibus medicamentis, vel vasis è quibus erumpit aut compressis aut ligatis suppressendum. 2.º Intus hærens corpus extraneum, vel eâ parte quâ venit, aut eâ ad quam tendit, aut digitis educendum, aut variâ forcepe apprehendendum extrahendumque. 3.º Denique diducta nimium vulneris labia, vel debitâ fasciatæ partis collocaione, vel deligatione, vel suturis, nunc genuinis, nunc spuris sive siccis, adducenda continendaque. In horum verò promiscuè nusquam usurpandorum delectu habendo; ut & in omni Chirurgico opere, partium structura cynosuræ locum semper tenere debet, abstinendumque sæculò, quantum fieri potest, à partium nervosarum læsione, hanc etenim dolor & inflammatio sæpe sæpius excipiunt, & quod maximè dolendum, convulsio, quam supervenientem vulneribus lethalem pronuntiat Hippocrates, Aphor. 2. Lib. 5. Nullum etiam opus Chirurgicum tentandum est, quin illud utiliter institui posse constiterit; aliàs etenim vel imperitiæ labes Chirurgico inuritur, vel interdum agri quem morbus peremit occisi speciem subit, ut in carcinomatis mox iterum germinantis infausta abscissione, vel gangrænâ ab interiori humorum vitio oriâ, artus vitati amputatione non semet contigit.

I I I.

NULLAM esse corporis humani pariem, cujus compages ab externâ vi læsæ factari non possit, & uno ore fatentur omnes, & ossium fragilitas ipsa testatur. Hac in molles partes irrumpente infligitur vulnus, quod strictè sumptum desinitur, partium corporis mollium cotinui solutio, recens, cruenta, ab externo instrumento orta. Pro variâ instrumenti vulnerantis qualitate & actione, pro diversâ conditione partium læsarum, pro naturâ, modo, & figurâ vulneris, innumera propemodum hujus extant differentiæ & appellationes. Ejusdem causæ vel tyronibus obviæ sunt. Signa item oculi, subjecta faciliè habentur, si in summâ parte plaga sit; sed ubi penitus penetravit, quid intus sit ictum non ita faciliè dijudicatur. Id autem, quod ignorare piaculum, indicant vulnerantis teli genus, vulneris situs, specilli exploratio, excretionum natura, supervenientia demum, singulaque propria cujusque partis *Symptomata*. Verum ut ex his omnibus ritè perspectis, & inter se collatis vulneris genus dignoscendum, sic ex iisdem attentâ præfagacæ mente ponderatis præfagiendus exitus; ante omnia enim scire Medicus debet, monente Celfo *, quæ insanabilia sint vulnera, quæ difficillem habeant curationem, quæ promptiorem. In eorum numero, quæ sanabilia grave periculum portendunt, ingenfæ curanti negotium facessunt, non immeritò à veteribus Medicis reponitur percussus Tendo, incerto forsân nervi vocabulo, ob ferè similem succedentium utrique fasciato *Symptomatum* cattervam, ab iis passim appellatus. Is non secus ac ceteræ corporis humani partes vel ab instrumento acuto pungitur, vel à secante inciditur, vel à gravi obrusioque contunditur, vel multifariam læditur. Tendinis quadamtenus secti, aut lacerati confusive, præter sedem indicem, communes ferè hæ notæ sunt. Dolor vehemens non solum partem affectam, sed & quandoque remotas exercuat, inflammatio pariter exercet ni ocyus succuratur, in gangrænâ desinens, febris accenditur, quam delirium aut convulsio excipit; his aliquandò accedunt animi deliquium, susceque dejectio, aliaque id genus pessimi ominis. Præciso tendine nihil ex his suboritur, sed partis, interdum pendulæ, motus perit Ubi punctum Tendo vulneratus est, protinus ampliandum vulnus, in idque infundenda medicamenta calida & penetrantia balsamicis permixta, verbi gratia, oleum terebinthinæ cum spiritu vini, vel balsamum Fioraventi & Copahu

* Lib. 5. c. 26.

4
 contracto Musculo, ejus tendo resectus est, obtinisset, si insuper Musculus fasciâ circumductâ, ne longius, firmetur, vulnerisque oræ glutine seu suturâ siccâ contineatur, sic, inquam, secti Tendinis capita, quàm proximè adducta committi, & contineri posse omnibus perspectum est. Nec tamen ea tanto impetu, quantus vulgò jactatur, sub cutem refugere credendum est; nam præterquam quod musculi omnes circumfusi, partibus annectuntur, manûs Tendinum, quorum gratiâ futura potissimum inventa videtur, vaginas *Periofstio* firmiter adhærere anatomicâ sectione compr batur. Demum si qui Tendines futuram expositularent, ii maximè, qui crassiores, robustissimorum plurimorumque Musculorum communes sunt appendices, illos verò, hac omisâ, restitui, præter plurimas observationes, probat apud Sinenfes frequentissima crassissimi omnium Tendinum absque ignoto futuræ artificio integra restitutio. Apud illos mos olim fuit latronum Achillis Tendinem, sive Hippocratis chordam magnam præscindere, forsan ut à claudicantium incurfu facilitus caveretur, iterumque in futuro deprehensis promptius injicerentur manus: at ex quo compertum est illorum plurimos perfectè convalescere, suprà & infrà resecatum Tendo, interjectaque sectioni pars eximitur, sicque supplicio affectis integræ sanationis spes omnis adimitur. Si quis jam antiquum illud opus, ab illustrissimis viris probatum, & celebratum fuisse objiciat; ipsius inter ortum & funera brevissimum tempus antiquitis interfuisse reponimus. Nec auctoritatem autoritate refellere nobis arduum. Avicennæ, Guidoni à *Cauliaco*, aliisque ipsorum sententiæ affectis, opponere possumus Galenum, Pareum, Petrum de *Marchettis*, aliosque bene multos formidandum opus improbantes, ejus operâ si quosdam sanari contigit, eodem non minus feliciter, hoc omisso sanandos fuisse contendimus. Nec simul cum Tendine consuta cute, ut hisce temporibus fieri consuevit, tutor fiet futura, ejus vanitatem incerta & parum constans hujus instituendæ methodus arguit. Fæto igitur suo relinquendi, quorum, ob vulneris vetustatem, callosi Tendines longè sub cutem fugerint? ita sanè: fatius est enim unius partis motum depravari, etiam aboleri, quàm horrendis diu frustra vexatum, supremum obire diem.

Non ergò suendi Tendines.

DOMINI DOCTORES DISCIPLINÆ MAGISTRI.

M. Guillel. Josephus DE L'EPINE, Antiquior Scholarum Magister,
 Antiquæ Facultatis Decanus,
 Academiæ Censor. M. Raymundus DE LA RIVIERE. M. Ludovicus-Gilbertus BOYROT
 DE JONCHÈRES.

DOMINI DOCTORES DISPUTATURI.

M. Joannes D'ARCEY, Professor Regius, Academiæ regalis Medicinæ Martensis Socius. M. Hugo GAUTHIER, Consiliarius
 Regis Medicus. M. Ludovicus-Maria FOUSSE;
 Eques & Censor Regius. M. Franciscus THIERY DE BUSSY, Consiliarius Medicus Regis ordinarius in supremo Senatu Parisiensi. M. Nicolaus JEANROY, Regii
 Medicorum Collegii Nanceianorum Socius honorarius. M. Antonius CASAMAJOR, Censor
 Regius.

Proponebat Parisiis JOANNES GROZIEUX DE LA GUERENNE, à Monte Lucio
 apud Boïos, Doctor Medicus Monspelienfis, necnon Saluberrimæ Facultatis
 Medicinæ Parisiensis Baccalaureus. A. R. S. H. 1779.
 AB OCTAVA AD MERIDIEM.